

Pa motibo di olanan di crimen asotando nos pais

3 Candidato nobo a dicidi di asumi responsabilidad y subi lista di RED Democrático

ORANJESTAD – Ayera mainta durante partido RED Democrático su rueda di prensa semanal cu a tuma luga na nan sede nobo na San Nicolas, nan a presenta tres candidato nobo for di cual lider di partido sr. Rudy Lampe a haci e introduccion y splica e motibo cu e candidatonan aki a dicidi di asumi tal responsabilidad.

OLANAN DI CRIMEN

T'asina cu e ultimo dianan Aruba a wordo asota pa olanan di crimen nan di arma un biaha mas y e biaha aki cu dos consecuencia fatal riba un solo dia. Ta bon pa menciona cu e partio RED no a haya ainda contesta riba e pregunta nan cu nan a trece dilanti.

Segun lider di e partido, tabatin publicacionnan internacional, cu ta menciona cu Aruba a bira un 'hub' pa traficacion di cocaina, arma y pa traficacion nan ilegal.

"Nos a haci pregunta pakico e radar nan no ta funcionando, y pakico e container nan no ta andando, y a haci pregunta pakico a elimina Warda Nos Costa," Lampe a bisa.



FRONTERANAN HABRI

Y segun partido RED cu Aruba ta pasando momento nan duro y dificil pa motibo cu tin hopi arma ilegal riba e island aki y motibo pa tur esaki ta cu nos tin nos fronteranan habri.

"Nos a tuma nota cu minister di husticia a culpa partido RED di kier legalisa cannabis. Y cu esey por ta un di e causa, cu tin tanto criminalidad cu arma nan ilegal aki na Aruba", Lampe a indica. Pero se-

gun partido RED esaki ta net su contrario, paso esun nan cu ta na mando awor aki na Aruba ta net nan ta esunnan cu a habri frontera cu cocaina y arma nan ilegal por a drenta Aruba.

STORIA RIPITI

Y sin corda na final di gabinete Eman tabatin e mesun situacion, caminda tin un rapport cu ta yama 'de ontslag', caminda un comision mester a wordo treci dilanti paso a wordo asota atrobe pa crime cu armanan ilegal atrobe, y

aworaki na final cu e gabinete Eman ta na mando e storia ta ripiti. Cu e ultimo luna nan como cu si fuera tin e mesun maneho di habri frontera pa cocaina drenta y arma nan ilegal drenta no isla Aruba y ta p'esey awor aki nos ta cosechando e fruto nan di criminalidad.

MOTIVACION

"Y esaki ta un di e motivacion cu ta inspira e candidato nan di partido RED cu nos ta presenta, mescos cu partido RED ta bisa ban legalisa cannabis. Y

mescos tur otro pais nan a legalisa cannabis," Lampe ta indica. Segun Lampe, e cifranan ta muestra cu tin un caida grandi di criminalidad y nan di partido RED ta ofreciendo un solucion pa e situacion di criminalidad cu ta asotando nos isla y esey ta e inspiracion cu motiva nos candidata nan.

Candidatanan cu a keda presenta ayera mainta tabata Sra. Roxanna Halley, Sr. Rudolf de Kort y Sr. Robert Hoftijzer. □

